

ITLF BULLETIN

A Publication of ITLF Media & Publicity Department

VOLUME I-ISSUE NO 30

INDIGENOUS TRIBAL LEADERS' FORUM

THURSDAY 13 JULY 2023

Meetei Leepun Chief FIR bawl khum in om

Meetei Leepun chief Pramot Singh in chi leh nam kikal a kituahlouhna piangthei di thu khovel theih in puang a, nam khat nuai mang ding ka hi chi a ana gen toh kisai in Satminthang Kipgen, President KSO-Sadar Hills leh Thangtinlen Haokip, Gen. Secy. KSO-Sadar Hills in Kangpokpi Police Station ah FIR ana file uhi. Pramot in Kuki-Zo tate khatvei thu a nuaimang dia vauna a bawl ziaak in IPC 120-B, 153-A, 504, 505, 503, 34 nuai ah FIR bawl khum in om hi.

Arambai Tenggol tangthu suahkhia

Tutung i buaina ua Kuki-Zo tate tung a huhamtak a gamtang Arambai Tenggol kichi Meitei radical group-te toh kisai tangthu "The Rise of Arambai Tenggol" laibuta (booklet) ITLF Media Cell in miteng simtheih ding in zan in suahkhia uhi. Tu lel in PDF version a khahkhia hiphot a, ITLF Media Cell office leh ITLF website ah chiklai peuh in download theih ding hi.

ITLF Media Cell in Fake PR kisuah poi sa; FIR gelhlut in om

Hun bangtan hiam paisa in ITLF letterhead leh suai zang in Meiteite hi dia ginmoh ten Kuki-Zo tate kituahn keksak ding leh i movement uh buaisak ding in thuzuau ana thehzak sek uhi. Tuka sung lel in le thumvei bang thuzuau ana thehzak ua, i pankhopna ziaak un hihfel in omthei hi.

Apaisa July 11 nitak in ITLF letterhead leh suai zang in ITLF thusuah bawltawm ana kisuah a, hiai thusuah national news agency minthang ANI ah piaklut in ana om in, national media tuamtuum Times of India tanpha in gingta in ana suah kha uhi. Zan in ITLF Media Cell makaite ANI houpih pah in hiai thusuah zukik sak ua, ngaihdam le ngensak uhi. Hiai toh kiton in ITLF logo leh signature guksak a om ahi chi in Lamka Police Station ah FIR gelhlutsak in om hi.

Moreh ah Curfew om

Moreh ah Manipur Police Commando ten a kal laklak ah civil dress zang in Moreh khopi sung enkhe ding in hoh zel ua, mipi patausak in omsek hi. Zan in mipi gamtatna enkhe ding a hong

pai nawn ua, mi matsawm a hong om dek u leh village volunteerte toh kinawktuah uhi. Mipi lak a kinawktuah uh ahih man in deihbang in volunteerte gamtang thei lou ua, Manipur Commando-te nung kik uhi. Mipi sousang venna in sepaih ten Moreh town sung curfew khah uhi.

ZORO makaihna in Rally om; Thupukna 3 la uh

Manipur gamsung buaina toh kisai in ZORO in zan in Aizawl khopi ah Zo tate thuakna thuakpihna in rally ana nei uhi. Pu L. Ramdinliana Renthlei, Gen. Secy. ZORO in a genna ah insung a buaina a om Chiang in insung pa in mohpuakna a lak ding hina pi in Manipur haksakna toh kisai in i gam a dia pa Narendra Modi in bangmah a genlauh penm hon ngaihsaklounhna leh taklatna ahi chi hi.

Rally a paikhawmtan thupukna 3 bawl ua, Manipur buaina ziaak a haksak tuakte lungsim tawng a thuakpih uh ahih dan puang khia uhi; India govt in Kuki-Zo tate a dia Separate Administration a piak ding in ngetna bawl ding leh khovel pumpi a Zo tate kipumkhatna om gige theihna ding a panlak ding in thupukna bawl uhi.

Manipur a i mi leh sate thahchimit leh a in leh lou uh halsak a om mohpaihna sangtak nei in Biren Singh, Narendra Modi leh David Thiek thattupa lem mipi paikhawmtan haltum uhi.

World Bank Project P176733 khawlsak phot ding in KSO City Branch in lehkha pia

Manipur state a digital transformation omtheihna ding in World Bank in \$46 million pe ding chih toh kisai in KSO City Branch ten Kuki-Zo tate a ding a thil lauhhuai tungthei ding amuh ziaak un hiai project khawlsak phot ding in Ajay Banga, President World Bank kiang ah ngetna lai ana pia uhi.

Manipur Govt in state machinery tuamtuum zang a Kuki-Zo tate thahchimit leh a in leh loute uh halbei vek dia panla ahih ban ah, Manipur ah fact finding team hong pai sunsunte le FIR bawlkhum a om ziaak in thutak in mun luahlou ahih man in, hiai World Bank sum zan a Meitei ten Kuki-Zo tate douna dia zang ding uh ahi chi in, hiai project khawlsak phot ding in KSO City Branch in gen uhi.

EDITORIAL

Manipur buaina ziaak in deihs bang in niteng hinkhua i zangthei nawn kei ua, alian aneu khentuum omlou in galdou in i om vek uhi. Frontline ah galdou a pang i om ua, relief lam a galdou a pang i om ua, media lam a galdou i om ua, sum leh pai lam a panla a galdou i om ua, thumna a galdou i om ua, panlak theihna teng a panla in i pang chiat uhi. Chin leh ha zang a Meitei galdou a pan i lak lai un i hatna uh Pathian ahi chih phawk kawm a, amah mai a khuk din a i thum uh poimoh mahmah hi. Tutan a Biakinn kikhaklou a Pathian mai a thumna nei gige teng tung ah kipahthu i gen ahi.

Ei hihtheihna khenlam pek ah Pathian in hon ompih a hon veng a, gintat huai hetlou munte a Pathian in hon ompih a hon tatkhiaakna tuamtuumte i musek uhi. Pathian in hon tatkhiaakna tuamtuumte ziaakin Pathian mai a kun a, amah biakna bawl ding thasial het kei ni.

Buai akipan in India Prime Minister Narendra Modi in i gam buaina toh kisai kamkhat le kak nailou hi. I buai laitak un amah khual zin in mun tuamtuum ah zin hi. Tun le July 14 chiang in

France gam a Bastille Day zang ding in zinkhe dek hi. I buaina uh hon kitheihmoh bawl mahleh Pathian eilam a apan leh bang tan ahia hon kitheihmoh bawl ding?

Narendra Modi zin ma July 12 ni in France khopi Strasbourg ah European Parliament kihouna paitou zel ah Manipur buaina ngaipoimoh in ana genkhawm uhi. Narendra Modi in human rights palkek ahi chi in BJP government le nasatak in mohpaih uhi.

Narendra Modi in i buaina hon kitheihmoh bawl mahleh European Parliament in i buaina uh genkhawmna aneih theih uh ei a dia thil hoih leh galzohna khat ahi.

Ei hihtheihna kalval a Pathian in eite hon ompihna ahi a, maban ah le ei a dia thilhoih hong omzel theihna ding in Pathian kiang ah thumna a galsat touh zel ding in i kingen ahi. Thasial lou hial in Pathian mai a kiniamkhiaktak leh lungsim tengtoh Pathian mai a kipelut in thumna nei gige ni.

- ✓ Kuki Women Union (KWU) Teising Block akipan in siangtang meh bag 29 ITLF Relief Dept in ana dong hi. (12 July 2023)
- ✓ EBCC Tribal Colony, Dorcas te akipan in panpina dangka Rs 10,000 ITLF in mu hi. (12 July 2023)

UPDATE TILL 13 JULY 2023



113
CONFIRMED DEATHS



197
VILLAGES BURNED



7000+
HOUSES BURNED



359
CHURCHES BURNED



41425
DISPLACED PERSONS



204
RELIEF CAMPS

RELIEF SUPPORT

Office: Lamka Govt College, Hiangtam Lamka

Contacts:

Mangcha Thangzom – 8837368373 (Convenor)

V. Gouthianmuan - 9862086583 (Co-Convenor)

FINANCIAL SUPPORT

Office: Lamka Govt College, Hiangtam Lamka

ITLF Joint Bank Account:

Name: Henkhopao Haokip & N. Vialkhanthang

Account No: 41912626404

IFSC: SBIN0064016 | Bank: SBI Salbung Branch